

M B S E:

I. INTEGRATED EVALUATION SCHEME (IES)

Integrated Evaluation Scheme-ah hian *internal assessment* atan mark 20 dah a ni a. Hei hi a hming ang hian sikul tinin anmahni sikulah an tehin an endik tur a ni. He mark 20 kan pek danah Mizoram pumpuia rualkhai tak leh rintlak taka kan kal theih nan MBSE-in kaihruaina a duang sa a, hei hi zawm ngei tur a ni. He scheme atana kaihruaina hi Integrated Evaluation Scheme booklet-ah chipchiar taka tarlan a ni.

Record vawn dan tur:

- (i) Attendance Register felfai taka vawn tur.
- (ii) Class Test /Terminal Examination-a naupang te mark hmuh dan record hi vawn that tur a ni.
- (iii) Class test/Terminal Examination paper-te endik theiha vawn that tur a ni.
- (iv) Teacher-in assignment an pek dan leh naupang tena an thehluk dan chiang taka record an vawng tur a ni.
- (v) Graded subjects-ahte hian grade pek dan tur kaihruaina angin naupangte performance record hi concerned teacher-in a vawng tur a ni.
- (vi) A chungka kan sawi record/documents zawng zawng khi a tlem berah kum 2 chung vawn that tur a ni.

II. AFFILIATION REGULATIONS

Mizoram chhunga Higher Secondary School leh High School-ten MBSE hnuaiah affiliation an dil thei a. Dilna form hi MBSE in a duansa anga thehluk tur a ni. Affiliation nei turin sikulin a hnuaia mite hi a tihhlawhtlin a ngai:

1. Mizoram sawrkar atangin sikul din phalna (permission) a nei ngei ngei tur a ni.
2. Sikulin amahin building a nei tur a ni. Building luah hawh a ni tur a ni lo.
3. A zawnin kum thum tal Board exam an hmachhawn tawh tur a ni.
4. Board exam-ah kum thum a zawnin an candidate-te zaah sawmthum panga (35%) tal an pass tur a ni.

5. **Enrolment:**

	Higher Secondary School		High School	
	Rural	Urban	Rural	Urban
Minimum Enrolment	60	100	40	60
Minimum class-wise enrolment	30	50 (but not more than 60)	20	30 (but not more than 40)

6. **Teaching staff:**

For HSS-

- (i) Principal chu recognized University atanga Master degree nei a ni tur a ni a, hei bakah hian professional degree nei niin kum nga tal affiliated HSS a lo thawk tawh a ni baw k tur a ni.
- (ii) Zirtirtu zawng zawngte chu Second Class Master degree nei, professional degree nei tel an ni tur a ni.
- (iii) Subject tinah Principal chhiar tel lohin teacher pakhat tal an awm tur a ni. Physical and Health Education leh Work Experience ah te hian zirtirtu dangin a zirtir thei a nih loh chuan zirtirtu bik an nei tur a ni.
- (iv) Kar khatah Principal-in period 5, teacher tinin period 15 tal an la tling tur a ni a, period rei zawng hi 40 minutes a chhut a ni.

For HS-

- (i) Headmaster/Headmistress chu recognized University atanga Graduate niin professional qualification nei a ni tur a ni a, affiliated school-ah kum nga tal thawk tawh a ni tur a ni.
- (ii) Zirtirtu zawng zawngte chu Graduate niin professional degree an nei tel tur a ni a. An zinga pahnih (2) tal hi Science graduate an ni tur a ni.
- (iii) Physical and Health Education, Art Education leh Work Experience ah te hian zirtirtu dangin a zirtir thei a nih loh chuan zirtirtu a hranin an nei tur a ni.
- (iv) Kar khatah Headmaster/Headmistress -in period 10, teacher tinin period 20 tal an la tling tur a ni a, period rei zawng hi 40 minutes a chhut a ni.

7. **Infrastructure:**

- (i) Zirtirtute leh naupangte tan tui thianglim in tur a nei tha tur a ni.
- (ii) Hmeichhia leh mipa tan a hrangin inthiarna (toilet) a nei ngei tur a ni.
- (iii) Heng Principal/Headmaster room, Teachers' common room, Office, Library Work experience tan hian a hranin room neih tur a ni.
- (iv) Science Laboratory changtlung taw k tak a nei tur a ni. Physics, Chemistry leh Biology te tan a hran theuh nei thei se duhthusam a ni (HS)
- (v) Heng subject- Geography, Psychology, Home Science, Physics, Chemistry, Biology te bakah Computer Science-te hi school-in a nei (offer) a nih chuan Laboratory changtlung tak a nei tur a ni. (HSS)
- (vi) Classroom tin te chu eng tha tak an ni tur a ni a, a te berah 20ft X 18 ft tal an ni tur a ni. School-in Hall hranpa a nei a nih loh chuan class room te hi a tul huna Hall-a hman theih turin, inhawng tlang thei tura duan ni se.

8. **Provisional Affiliation:**

A chung a kan sawi te khi school-in a tihlawhtling (fulfil) thei lo a nih chuan provisional affiliation a dil theih baw k a. Provisional affiliation nei tura thil tul leh hriat ngai te:

- (i) Mizoram sawrkar atangin sikul din phalna (permission) a nei ngei ngei tur a ni.
- (ii) Sikulin amahin building a nei tur a ni. Building luah hawh a ni tur a ni lo.

- (iii) Sikulin Zirtirtu a mamawh tawk(adequate) a nei tur a ni. (1 Headmaster leh 5 teaching staffs)
- (iv) Class-wise enrolment hi a tlem berah 10 (rural) / 20 (urban) a nei tling tur a ni.
- (v) Provisional affiliation hi kum 3 (thum) atana pek a ni ang a, he hun chhung hian affiliation pangngai nei tura ngai te a neih hman chuan affiliation pek theih an ni (dil dan pangngaia an dil hnuah).
- (vi) Kum thum chhunga affiliation an neih theih loh chuan an provisional affiliation chu automatic-in hlih a ni anga, a thara an dil leh a ngai tawh ang.

9. Fees pek ngai te:

<i>Particulars</i>	<i>Higher Sec. School</i>	<i>High School</i>
Processing Fee	100.00	100.00
Affiliation Fee	1500.00	1000.00
Annual Affiliation Fee	400.00	300.00
Reserve Fund (for non-govt.)	10,000.00	6,000.00
Provisional Affiliation Fee	800.00	500.00
Annual Prov. Affiliation Fee	300.00	200.00